

能及者、乃先令以酒服麻沸散。既醉無所覺、因剝割破腹背、抽割積聚。若在腸胃、則斷裂瀉洗、除去痰穢。既而縫合、傳以神膏。四五日創愈、一月之間皆平復。此決無之理、人之所以爲人者、以形而形之所、以生者以氣也。陀之藥、能使人醉無所覺、可以受其剝割、與能完養、使毀者復合、則吾所不能知。然腹背腸胃、既已破裂斷壞、則氣何由舍、安有如是而復生者乎。審陀能此、則凡受支解之刑者、皆可使生。王者之刑、亦無所復施矣云々。予謂此論實是也。然史傳記事之文、間過飾辭以誤其實者、不唯此范曄陳壽也。

〔三國志魏二十九〕華陀、字元化、中略精藥方、其療疾合湯不過數種、中略若病結積在內、鍼藥所不能

及、當須剝割者、便飲其麻沸散、須臾便如醉死、無所知、因破取病、若在腸中、便斷腸瀉洗、縫腹膏摩、四五日差不痛、人亦不自寤、一月之間即平復矣。

〔日本醫道沿革考〕亮按ズルニ、中略古來我邦外科書ノ完全ナル者ナク、其術亦隨テ世ニ明ナラ

ズ、慶元以還、鷹取、南蠻、其他ノ諸流、稍ク世上ニ行ル、然レドモ或ハ古方殘缺ノ餘ニ出テ、或ハ洋醫ノ口傳手授ニ出テ、其術愈拙見ルニ足ル者ナシ、本邦此術ノ完全要領ヲ得ルハ、實ニ華岡青洲ニ至テ備ル、青洲、紀伊人、寛政享和ノ間、外科ヲ以テ天下ニ鳴ル、其術古今ヲ論ゼズ、倭洋ヲ問ハズ、苟モ長アレバ之ヲ採リ、内外合一、活物窮理ノ說ヲ糝ム、中略彼ノ麻睡劑ヲ以テ、乳巖、骨疽、痔漏、瘰癧、癭瘤ノ類ヲ療スルガ如キハ、其發明中最モ卓絶ナル者ナリ。

〔息軒遺稿四〕館玄龍墓碑銘

北醫之精於瘍科者、曰館君玄龍、中略君幼而聰敏、年甫十四、學長沙氏之道於富山大野玄格、嶄然見

頭角、年十九欲游上國、益弘其道、而未得其方、有叔父祝髮居高野山者、曰本覺、與紀醫員華岡氏善、勸游其門、君大喜、治裝至高野、介其書執贄於華岡氏、當是之時、華岡氏之名噪於天下、從學者常數十百人、塾分内外、自外進內、未列內籍、不得親炙於先生、是以歷十年之久、有未得奉警欬者焉、而君一見進